



Մկրտութեան ժամանակ ջուրի գործածութիւնը խորհրդաւոր իմաստ ունի. անիկա արտաքինէն ներքին մաքրութեան կը տանի:

Հայ առաքելական եկեղեցւոյ աւանդութեան համաձայն, Յիսուսի մկրտութիւնը Յովհաննէս Մկրտիչին կողմէ տեղի ունեցած է 6 Յունուարին՝ Ս. Ծնունդէն ճիշդ երեսուն տարի ետք, նոյն օրը:

Հայոց եկեղեցին Աստուածածինէն ետք Ս. Յովհաննէսը կը նկատէ մեծագոյն սուրբերէն մէկը:

Ս. ԿԱՐԱՊԵՏԻ «ՄՈՒՐԱԶ»
ԿԱՏԱՐՈՂ ԸԼԼԱԼՈՒ
ՀԱՆԳԱՄԱՆԸԸ

Ս. ՅՈՎՀԱՆՆՈՒ ԿԱՐԱՊԵՏ

Կարապետ կը նշանակէ «ճամբայ բացող»: Յովհաննէս Կարապետ Յիսուս Բրիստոսի գալուստը վկայած մարգարէներէն վերջինն է, որ նաեւ մկրտեց գայն այնուհետեւ կոչուելով «Յովհաննէս Մկրտիչ»: Ան մեծ համբաւ ունէր իր ապաշխարութեան քարոզչութեամբ եւ իրեն հետեւորդներու մկրտութեամբ: Մարդոց յարգանքը շատ մեծ եղած է իր հանդէպ: Յիսուս Յովհաննէսի մասին ըսաւ, թէ աւելի մեծ մարդ գոյութիւն չունէր:

Ս. Յովհաննէս Մկրտիչ (Յովհաննու Կարապետ) որդին էր Չաքարիա քահանային եւ Եղիսաբէթին: Ան դարեր շարունակ ոգեշնչած է արուեստագետներ, գրողներ, հաւատացեալներ: Ըստ Նոր Կտակարանին, ան կը նկատուէր երկրորդ Եղիա մարգարէն: Իսկ հայ ժողովուրդի կեանքին մէջ ան արժանացած է մեծ յարգանքի եւ տօնակատարութեան, կառուցուած են տաճարներ եւ խորաններ՝ պանծացնելու համար մեծ սուրբին յիշատակը:

Մարգարէն ասպարեզ էլաւ, երբ արդէն երեսուն տարեկան էր: Յովհաննէսի քարոզչութեան նպատակն էր ապաշխարութեան մղել մեղաւոր ժողովուրդը մկրտութեան ճամբով: Ապաշխարութիւն ըսելով՝ Յովհաննէս նկատի ունէր հրաժարիլ նախկին սխալ կեանքէն եւ դառնալ դէպի Աստուած:



Բրիստոնէական այլ եկեղեցիներու հետ բաղդատած՝ հայոց եկեղեցին եւ հայ ժողովուրդը Ս. Կարապետը ընդունած է իբրեւ տարբեր փափաքներ եւ իղծեր կատարող եւ բժշկող սուրբ: Հին ատեն Մշոյ Ս. Կարապետ վանքան դար ու խտագնացութիւններ կը կատարուէին, յատկապէս՝ ամրան, սուրբի տօնին յիշատակութեան ժամանակ: Դարեր շարունակ ուխտագնացութեան հոսքը շարունակուած է:

Բոլոր Յովհաննէս եւ Կարապետ անունները կրող ԿԿՈՒ-ի փոքրիկներուն տօնը շնորհաւոր ըլլայ:

ԹԻՒԵ ՊԱՏՐԱՍՏԵՆ՝ ՄԱՐՄՈՒՆԻ ԱՇԽԵՆԻՆ, ՇԱՀՐԱՆԻՆ,
ՆԿԱՐԱՍԱՐՈՒՆ՝ ՈՒՅՅԻ ԲԵՐՈՇԵՆՆ




Հետեւեալ թիւերը միացո՛ւր, ապա՝ ներկէ՛ կազմուած պատկերը:




★ = 2
 🌸 = 5
 🍄 = 8

| | | | | | |
|---|---|---|---|---|---|
| 🍄 | - | 🌸 | + | ★ | = |
| ★ | + | 🍄 | - | 🌸 | = |
| 🍄 | - | ★ | - | 🌸 | = |

Փորձէ՛ լուծել:



Ամբողջացո՛ւր պակաս թիւերը:



Իրաքանչիւր պտուղ դի՛ր համապատասխան տուփիկին մէջ:

ԱՓՐԻԿԵ

Ափրիկե աշխարհի երկրորդ մեծագույն ցամաքամասն է իր տարածութեամբ եւ կը բաղկանայ 53 երկիրներէ:
Ափրիկեի մեծագույն մասը ծածկուած է տափաստաններով եւ անապատներով (Սահարա, Բալահարի,...եւ այլն):
Սահարա, Ափրիկեի հիւսիսային կողմը, աշխարհի ամենատաք շրջանն է: Հասարակածը կ'անցնի Ափրիկեի մէջէն,
Կապոնէն մինչեւ Քենիա:

Հասարակածային գոտիին մօտիկ կը տարածուին շատ խիտ անտառներ, մինչ հարուստ դաշտազետիկները կը ծածկեն արեւելքի եւ հարաւի մեծ մասը: Հոն կ'ապրին կենդանիներու մեծ խումբեր (վագերաճի, յամոյր, իմփալա, ընձուղտ եւ փիղ, որոնք որսն են միւս կենդանիներուն՝ առիւծի, բորենիի եւ ընձառիւծի):

ԳԻՏԵ՞Ս ԹԵ...

- Ափրիկեան փիղը ամենամեծ ստնաւորն է, որ կ'ապրի երկրի վրայ: Անոր ականջը կը նմանի Ափրիկեի քարտեզին:
- Սահարայի անապատը կը կտրէ աշխարհի ջերմաստիճանի ամեն մրցանիշ: Հոն տաքութիւնը երբեմն կը հասնի 45 սելսիոսի շուրջին՝ օրուան ընթացքին: Իսկ գիշերը կրնայ իջնել զերոյէն վար:

ՀԻՄՆԱՍԱՅԻՆ ԱՓՐԻԿԵ

Հիւսիսային Ափրիկե մեծ մասով ծածկուած է Սահարայի անապատով: Հոն հազուադէպօրէն կ'անձրեւէ:
Ջուր դժուար է գտնել հոն, ի բացառեալ ովափսներէն, ուր հողին մակերեսը հազիւ կը թրջուի: Հիւսիսային Ափրիկե բնակութիւն հաստատած են արաբներ եւ սպիտակ ցեղի պերպերներ:

Ափրիկեի հիւսիսը բաղկացած է գլխաւորապէս Մադրեպէ (Ալճերիա, Թունիզ, Մարոք), Լիպիայէ, Մաւրիտանիայէ եւ Եգիպտոսէ: Հիւսիսային Ափրիկեն կը յատկանշուի իսլամական կրօնքով:

ԱՐԵՄՏԵԱՆ ԱՓՐԻԿԵ

Արեւմտեան Ափրիկեի երկիրներէն ոմանք, ինչպէս՝ Սենեկալ եւ Նիճերիա տարածուն են, իսկ ուրիշներ ինչպէս Թոնկո եւ Կամպիա՝ փոքրատարած: Իրենց բարեբեր հողին վրայ կը մշակուին սուրճ, քաքաօ եւ արմաւի իւղ: Նիճերիա Ափրիկեի ամենախիտ բնակչութիւն ունեցող երկիրն է, ուր քարիւղ կայ: Շնորհիւ իր քարիւղին՝ Նիճերիա դարձած է ճարտարարուեստական երկիր մը: Ունի սննդեղէնի, զգեստեղէնի ու պողպատի արտադրութիւն եւ ինքնաշարժի ճարտարարուեստ:

ԱՐԵՒԵԼԵԱՆ ԱՓՐԻԿԵ

Արեւելեան Ափրիկեն կը բաղկանայ եօթ երկիրներէ, որոնց շարքին են Եթովպիա, Սոմալիա եւ Թանզանիա: Հոն կլիման անլի զով է, քան մօտակայ ուրիշ շրջաններ: Արդարեւ, հոն կը տիրապետեն լեռներն ու բարձրավանդակները: Ափրիկեի մեծ մասը ծածկուած է բարձրահասակ խոտերով եւ ծառերով: Այս շրջանները կը կոչուին Սաւաննա: Արեւելեան Ափրիկեն ունի հսկայ տարածութիւններ, ուր կ'ապրին վայրի կենդանիներ, ինչպէս՝ առիւծներ, վագրեր, գետաձիեր, ընձուղտներ եւ փիղեր:

ՀԱՐԱՄԱՅԻՆ ԱՓՐԻԿԵ

Հարաւային Ափրիկեն բաղկացած է հետեւեալ երկիրներէ՝ Անկոլա, Չամպիա, Մալաուի, Հիմպապուէ, Սոզամպիք եւ Մատակասքար կղզին: Արեւելեան կողմը կան բարձր տափաստաններ, խորունկ հովիտներ եւ երկու մեծ գետեր: Արեւմտեան կողմը՝ Ատլանտեանը եզերող շրջանը Բալահարի անապատն է, որ կ'իշխէ: Այս անապատին մէջ պոչիմանները կ'ապրին որսորդութեամբ զբաղելով, ինչպէս նաեւ մեղրով եւ պտուղներով սնանելով: Հարաւային Ափրիկեի երկիրներուն հողին ընդերքը կը պարունակէ ադամանդ, ոսկի, երկաթ եւ պղինձ: Հարաւային Ափրիկեն ոսկիի եւ ադամանդի հանքերով աշխարհի ամենահարուստ երկիրն է:



ԴԵՂՁԱՆԻԿ



Տեսային դեղձանիկին վայրի տարբերակը՝ սերինոս թռչնակն է, որ կը բնակի Աթլանթեան ովկիանոսի Քանարիան կղզիներուն մէջ:

Մօտ հինգ հարիւր տարի առաջ մարդիկ ընտելացան այս երգող թռչուններու տեսակին եւ այժմ կը պահեն զանոնք որպէս ձեռնասուններ: Դեղին եւ նարնջագոյն, սպիտակ, գոյնզգոյն եւ կամ ալ միագոյն դեղձանիկները, բոլորն ալ իսկապէս շատ հաճելի մեղեդային ձայն ունին եւ այս բոլորին կողքին, զանոնք ինամելը բնաւ դժուարութիւն չի պատճառէր:

Դեղձանիկները այնքան ալ դիրին չեն սորվիր կամ ըմբռներ, սակայն համբերութեամբ եւ հանգիստ մթնոլորտ ապահովելով կարելի է զանոնք վարժեցնել նստելու տիրոջ ձեռքերուն կամ ուսերուն վրայ:

Այս թռչունները կը պահուին մեծ կամ փոքր վանդակներու մէջ, որոնք սարքուած կ'ըլլան տեսակաւոր ձողերով եւ թառերով:

Դեղձանիկները շատ կը սիրեն ջուրը, լոգանքը անոնց հաճոյք կը պատճառէ:



ԿՐԻԱՅ

Կրիաները գեղեցիկ արտաքինով հանգիստ կենդանիներ են: Անոնք հաւանաբար մեր ժամանակը հասած են հեռաւոր անցեալէն, հոյամողեզներու եւ այլ զարմանալի էակներու դարաշրջանէն:

Կրիաները կը պահուին որպէս ձեռնասուններ: Գոյութիւն ունին ծովային եւ ցամաքային կրիաներ:

Կրիաները զօրաւոր առողջութիւն ունին եւ կ'ապրին տասնեակ տարիներ: Սակայն անհրաժեշտ է անոնց համար ստեղծել բնակութեան յարմարագոյն պայմաններ: Աւելի լաւ է, որ անոնց բնակավայրը չըլլայ արկղ կամ տուփ, այլ՝ տնակ մը, որուն մէջ ապահովուած ըլլան կերակրամանն ու ջրամանը:

Ցամաքային կրիաներուն համար ամենայարմար ուտեստեղէնը կանաչեղէնն ու բանջարեղէնն է:

Փոքր կրիաները ամեն օր կը կերակրեն, իսկ անոնք, որոնք արդէն մէկ տարեկանը ամբողջացուցած են՝ 2-4 օրը անգամ մը:

